

Coláiste an Phiarsaigh, Gleann Maghair, Co. Chorcaí

Polasaí Sos Gairme, Postroinnt, Múinteoir ar Iasacht

Tá Bord Bainistíochta Coláiste an Phiarsaigh, Gleann Maghair tar éis dul i gcomhairle leis na Príomhpháirtithe atá bainteach le hoideachas ár ndaltaí faoi eagar agus leagan amach polasaí sos gairme, postroinnt, múinteoirí ar iasacht agus aon saghas cead neamhláithreachta eile do mhúinteoirí.

Tá gach iarracht déanta ag an mBord Bainistíochta a bheith cothrom idir ionchais dlísteanacha na múinteoirí agus riachtanais na ndaltaí sa pholasaí seo. Chun an chothromaíocht seo a bhaint amach, déanfaidh an Bord cíoradh agus anailís ar na foirmeacha iarratais ó mhúinteoirí do phostroinnt, sos gairme, múinteoirí ar iasacht, saoire staidéir agus aon saghas sosa eile ag tabhairt aird ar oibleagáidí reachtúla mar atá imlínithe sna ciorcláin ón Roinn Oideachais agus Scileanna 107/2006, 10/2011, 75/2015 agus in Acht an Oideachais 1998. Aithníonn an Bord, agus an polasaí seo á chur le chéile, go dtugtar tús áite ach go háirithe d'oidéachas agus do leas na ndaltaí thar aon ní eile.

Agus na cásanna seo á gcur san áireamh, caithfidh an Bord Bainistíochta aird a thabhairt ar

- a. méid iomlán na múinteoirí nach bhfuil sa scoil ar bhonn lánaimseartha.
- b. nach mbíonn meath ná lagú i ranna ábhair agus an postroinnt, sos gairme, múinteoir ar iasacht, saoire staidéir ná aon saghas sosa eile á dtabhairt, a chruthódh éagothroime in aon roinn.
- c. Líon na múinteoirí cáilithe a bheidh oiriúnach don phost agus an t-iarrthóir ag fágaint.

Tar éis na cúiseanna sin a thógaint san áireamh, tiocfaidh an Bord Bainistíochta ar cinneadh maidir le méid na Múinteoirí a bheidh cead acu imeacht ag postroinnt nó ar shos gairme nó ar iasacht sa bliain reatha sin.

Breithniúcháin:

- Aithníonn an Bord Bainistíochta na leasanna agus an tairbhe a bhaineann le scéimeanna an Roinn Oideachais do mhúinteoirí i ndáil le sosanna gairmeacha, postroinnt agus múinteoirí ar iasacht. Tugann na scéimeanna seo tacaíocht teaghlaigh do mhúinteoirí a bhíonn á lorg. Tugann sé seo deis do mhúinteoirí chun dul chun cinn proifisiúnta agus pearsanta a dhéanamh trí scileanna proifisiúnta a shealbhú, trí cháilíochtaí acadúla agus éispéiris ailtéarnacha, a bheadh tairbheach do na daltaí a mhúineann siad sa scoil.
- Cuid de thosca tábhachta seasmhacht na scoile is ea leanúnachas na múinteoireachta agus an teagaisc, proifisiúntacht agus oilteacht na foirne agus cothromaíocht oiriúnach idir méid na múinteoirí atá ag freastal ar an scoil go fadtéarmach agus dóibh siúd gan mórán taithí nó múinteoirí núsach.
- Breithniúchán tábhachtach a bhaineann leis ná an baol nach mbeidh go leor múinteoirí cáilithe agus múinteoirí le go leor taithí nuair a bheidh a leithéid á lorg don phostroinnt, toisc go mbeidh na múinteoirí ionadaíochta siúd ceaptha ar bhonn gearrthéarmach. Tá baol leis an gconradh postroinnt i gcónaí go mbeidh ionadaithe ag faire amach do fostaíocht níos fadtéarmach in áit eile.

- Tá sé riachtanach do mhúinteoirí a bheidh ag glacadh páirte sa scéim phostroinnte go dtuigfidh siad gur féidir deireadh a chur leis an socrú seo aon am muna n-oibríonn sé in oiriúint do dhaltáí na scoile (12.1 CL75/2015).
- Sna cásanna seo beidh ar an mBord Bainistíochta clár na bhfuilleach a dhéanamh amach idir riachtanais na múinteoirí agus daltaí agus maitheas agus fiúntas fadtéarmach na scoile mar áit sheasmhach oiliúna agus mar ionad oibre. Cuirfidh an cur chuige seo cosc ar dhíbhanú foireann mhúinteoireachta na scoile agus cuideoidh sé chun an áit oibre is fearr a chruthú do dhaltáí na scoile.
- Tá an dualgas ar an mBord Bainistíochta nach dtagann laghdú ná meath ar ranna ábhair áirithe nuair a cheadaítear postroinnt, sos gairme, múinteoir ar iasacht, saoire staidéir agus araile má chruthaíonn sé neamhchothromaíocht in aon roinn ábhair nó má chuireann sé isteach in aon slí ar dhul chun cinn na Roinne.
- Ciallaíonn an moratóir ar Phoist Fhreagrachta atá ar bun ó Mhárta 2009, go mbíonn an baol ann nach mbeidh an Bord Bainistíochta in ann múinteoir ábhar an phoist fhreagrachta sin a chomhlíonadh faoi réir ionadaithe a bheith ar fáil. Tá sé de dhualgas ar an mBord Bainistíochta a chinntiú go mbeidh strúchtúr meánbhainistíochta éifeachtach agus oiriúnach sa scoil. • Déanfaidh an Bord Bainistíochta iarracht cíoradh dearfach a dhéanamh ar iarratais don phostroinnt, sos gairme agus araile, ag díriú ach go háirithe ar leas agus riachtanais oideachasúla na ndaltaí thar aon ní eile.

Incháilitheacht:

- Buan, CID, TWT, RPT le fad ama nach leanann níos faide ná dáta foircinn conradh ar théarma seasta suas go dtí aois éirí as éigeantach.
- Le bheith cáilithe caithfidh an múinteoir a bheith cláraithe le comhairle na múinteoirí.
- Caithfidh an múinteoir 12 mhí ar a laghad seirbhís leanúnach sa scoil a bheith comhlánaithe.

Critéir:

Pléifidh an Bord Bainistíochta go cúramach cén toradh a bheidh ag an bpostroinnt, sos gairme nó múinteoir ar iasacht ar chaighdeán agus leanúnachas i ranna ábhair áirithe agus foráil ábhair laistigh den churaclam ar an iomlán.

Bronnfar an sos gairme seo de réir imlitir 10/2011, bronnfar postroinnt de réir imlitir 75/2015 agus bronnfar sos iasachta de réir imlitir 107/2006 agus faoin gcritéir luaite thíos. Níl na critéir thíos in ord tosaíochta:

1. Leas agus riachtanais na ndaltaí
2. Riachtanais churaclaime na scoile, méid na n-iarrthóirí ó ranna ábhair difriúla san áireamh
3. An éifeacht ionchais ar leas agus ar riachtanais oideachasúla na ndaltaí
4. Méid iomlán na múinteoirí ar sos gairme, postroinnt agus araile i rith na scoilbhliana sin
5. Cáilitheacht iarrthóirí de réir na n-implitreacha áirithe ón Roinn Oideachais agus Scileanna
6. Cothromaíocht idir riachtanais an mhúinteora agus méid na n-iarrthóir atá á lorg

7. Na buanna a bheidh ann don mhúinteoir agus a bheidh ann, dá bharr, do na daltaí a bheidh a múineadh ag an múinteoir sin

8 Níor cheart go gcuirfeadh cláracha ama na múinteoirí sin atá ag postroinnt ar shos ghairme nó ar lasacht isteach go diúltach ar chlár ama na ndaltaí ná ar chlár ama múinteoirí eile. É sin ráite déanfaidh an Scoil, sos ghairm, postroinnt agus lasacht a éascú don mhúinteoir chomh mor agus is féidir.

9 Cuóta leithdháilte na múinteoirí sa scoil don scoilbhliain dar gcionn

10 An éifeacht ionchais ar an gcóimheas idir múinteoirí lánaimseartha agus páirtaimseartha

11 An éifeacht ionchais ar struchtúr na meánbhainistíochta sa scoil

12 Caithfidh an múinteoir atá ar phostroinnt a bheith ar fáil do chruinnithe foirne agus do chruinnithe tuismitheoirí/múinteoirí a bhaineann leo de réir polasaí agus comhaontú na scoile.

13 Tá an dualgas chun uaireanta an chloig sa bhreis a chur ar fáil faoi Chomhaontú Seirbhísí Poiblí pro rata do mhúinteoirí atá ag postroinnt (Páirc an Chrócaigh).

14 Níl cead ag múinteoirí atá bainteach le postroinnt aon mhúinteoireacht ionadaíochta a dhéanamh i gColáiste an Phiarsaigh ach go heisceachtúil le cead Bainistíochta.

15 Ní mór don mhúinteoir an scéim seo a dhéanamh ar feadh dhá mhí déag ar a laghad ó thús na scoilbhliana. Caithfidh an Bord Bainistíochta gach socrú a bhaineann le postroinnt a mheas go bliantúil agus beidh ar an Roinn Oideachais agus Scileanna é a cheadú. Maireann gach ceadú ar feadh bliana agus ní cóir go mbeadh aon mhúinteoir de tuairim go leanfaidh an Conradh ar aghaidh don bhliain dar gcionn.

16 Ní ghlacfar le hiarratais tar éis an Spriocdháta.

Iarratas:

A. Ní mór do gach iarrthóir sos gairme / Postroinnt iarratas scríofa a chur isteach sa scoil gach bliain roimh an 1 Feabhra don scoilbhliain atá ag teastáil uathu chun tús a chur/ leanúint leis an sos gairme nó postroinnt.

B. Cuirfear an t-eolas faoi na hiarrthóirí ceadaithe ón mBord chuig an Roinn Oideachais agus Scileanna de réir modhanna atá leagtha amach ag an D.E.S.

C. Sula gcuirfear ar aghaidh na hiarratais chuig an Roinn, cuirfear na hiarrthóirí ar an eolas faoin gcinneadh a rinneadh.

D. Ní mór do gach múinteoir postroinnthe, sos gairme nó múinteoir ar iasacht a éiríonn leis nó léi, freagra a thabhairt i bhfoirm scríbhinn don tairiscint a rinneadh.

Athbhreithniú ar an bPolasaí:

- Déanfaidh an Bord Bainistíochta athbhreithniú agus monatóireacht rialta ar an scéim seo ó bhliain go bliain chun léirmheas a dhéanamh ar an tionchar atá aige ar an scoil agus ag déanamh measúnú ar an slí ar féidir leis leanúint ar aghaidh go bliantúil

- Coimeádann an Bord Bainistíocht an ceart chun athbhreithniú a dhéanamh ar an bpolasáí seo nó chun é a leasú a choimeád, de réir riachtanais na scoile.

Faofa ag an mBord Bainistíochta ar an 23ú Samhain 2021

Sínithe: 

Cathairleach, Bord Bainistíochta

Sínithe: 

Rúnaí, Bord Bainistíochta